

سروش

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در

اتبعون اهدكم سبيل الرشاد

مناصب و مدير مسئول : ح . اشرف اديب

خطا و وقوع بولیورسه بونک تأییری وطنمیزك جهات سائر سنده دخی حس ایدیلور . حمیت و وطنپرورلك خطیئات اداریه نك طغیان وعصیان ایله ازاله سنده قطعاً مساعد دکلدر . ذاتاً او خطا لرك عصیان ایله ازاله اوتومهیه جغتی عقل سلیم دخی کوسترر .

بوکون مملکتیمیزك پای تخته یقین و ترقییات فکریه سی بالنسبه یوانده اولان جهتلری بر طرفه براقلم ، آسیای عثمانیک الہ اوزاق کوشه لرینه کیتسه کز اهالی امان بزه مکتبلر ، بولار یاپدیریکز دیه یالوارلر . حال بوکه آرناوودا قده دواتسک مکتب ویول یاپدیرمق ایستمنی دورلو دورلو اوله اوغرا ده رق او یولده کی تشبثاتی فلا منعه قالقیشانلر اولیور ؛ آجینه جق بر حال دکلکی ؟

شبهه سز آرناوودلرك اهل ادراك و حیثیتی ایچنده عصیان حاضری کمال یأس و تأسفله تلقی ایدلر پک چوقدر . بو حالی جمله مزده یأس و حزن ایله تلقی ایدرز . فقط اخوان دین آرمه سنده سفک دمایه سبب اولان ، ترقیاتمیزی سکتیه اوغراتان ، اغیاره وسیله مداخله ورن و علی الخصوص ایتالیا کی بردشمن دینک آمال متجاوزانه نی تقویه به مدار اوله جق بر ماهیتده بولنان عصیان حاضر عالم اسلامی دلخون ایدر و عمومیتله تعیبه مستحق کورینور .

چ - ش - ز

عالم اسلام و حرب حاضر

طرابلس غرب جهادی و موسیو هانوتو

کچن هفته بوستونلرده ایتالیا نك طرابلس غربیه و قوعبولان تجاوزی ، بوتجاوز دقیقه سندنبرو ایقاع ایتمکده اولدینی جنایت و وحشتلری ، آوروپانك بو خصوصده کی وضعیتلری بتون عالم اسلامك انتباهنه وسیله اولدینغی ، بوانده اسلامك آثار قدسیه و مشکوره سی یار و اغیار نظرلرنده مختلف تجلیات و تظاهرات ایله کندی کی کوسترمکده بولندینغی ، بوتجلیات و تظاهرات انتباهیه اسلامی آلتنده یقین زمانده ایتالیا نك ازیله جککی ، آوروپانك دخی اسلاملرك مقدراتنه دائر چیز دکلری مقررانی بیرته جقلرینی بیان ایتش ایدم . انتباه اسلامك شوکیفات ساطعه و نتایج باهره سنی ایضاح ایدن بویان کتری بوکره افطار جهاند مختلف لسانلرده نشر اولمقده اولان بتون اسلام و آوروپا مطبوعاتی طرفندن تأیید ایدلکی کورلدی . بوجله دن اولمق اوزره فرانسه مشاهیر سیاسی و قلمیه سندن موسیو هانوتو صدمزه دائر اقلر غزته سنده یکریمی بر نیسان افرنجیده (اسلام و حرب حاضر) عنوانیه مفصل برباش مقاله یازمشدر .

موسیو هانوتو اوتهدنبری دین اسلام و عالم اسلامك علیهنده اتخاذ ایتش اولدینی مسسک ، افکار و نشریاتیه معروف بر رجل سیاسی اولدینندن مقاله رنانه سیاسییه سی غربک بتون مطبوعاتی طرفندن بیوک بر اهمیتله تلقی ایدیلرک صحیفه لرینه کچیرلش و مطالعه لر بیان ایدلش ،

لکلی یوقدر . چونکه بو ذواتک علم و فضل اصحابدن اولدقلی قابل انکار دکلدر . یالکز بعض جهتلرده خبرلری اولادن حیيات نصرانیه نك تأثیراته قاپلدقلی و بعض جهتلرده کندی غایه لرینی تأمین ایچون وقایع تاریخییه - قصداً - تحریفدن چکنمه دکلی واقعدر . ایشته بزده او جهتلری عریض و عمیق تدقیق و تنقید ایده جکز . سلا نیک اتحاد و ترقی مکتبی

علوم دینه معلی

ح. محمد شوکت

سیاسیات

آرناوودلق و حسیات اسلامی

بو یوک کوچوک هیچ بر قوم حقنده علی الاطلاق ملاحظات تنقیدیه یوروتمک طوغری بر مسسک دکلدر . عمومیت اوزره بر قوم حقنده سوء ظن بسلینلر او قوم افرادیه مناسبات و تماسده بولندقجه ظنلرینی تبدیل ایله جک پک چوق محسن قومییه تصادف ایلرلر . علی الخصوص جامعه اسلامییه داخل اولان اقوام ، جنسیت تفرقه لرندن آزاده قالمق اقتضا ایده جکندن ، آرناوودا قده کی افراد اسلامییه حقنده دیگر مسلمانلرك حس بغض وحدت ایله متحسس اولملرینی بر تصویب ایده میز .

مع مافیه عارتمدن کلیاً محروم برفرنك دولتنك تجاوزات جانیانه سنده معروض قالدیغمز بر صره ده آرناوودلردن بر قسمنك سلاح بدست عصیان اوله رق دولتمیزك مشکلات موجوده نی آرتیرملری بتون قلوب اسلامییه ده بو یوک بر حس افعال او یاندیرمشدر . صره سی کلدکجه بز آرناوودلرك کوکالرینی آلمق ایچون آنلری « قوم نجیب » اولمق اوزره توصیف ایلرز و بو توصیفمز تمامیه صمیمی در ؛ زیرا او باده التزام ریایه هیچده احتیاجمز یوقدر . فقط بز ، نجابتی ، فیزانك و آفریقای شمالیه کی قطعات متجاوزه نك تا ایچرلرندن کله رك طرابلس و بنغازی ده لوای خلافتی مدافه ایدنلرده ده ا زیاده بولیورز .

آرناوودلر صافدل ایشلرده یرلی و بیاجی بعض مفسد لرك تلقینات ایلدسپسندان لرینه قاییلیورلر مش ؛ بناء علیه بر قسمنك سلاح عصیانه صارملری آندن ناشی ایش . آرناوودلر آناطولی خلقتدن ده ا زیاده صافدل اولسه لر کرکدر . حس نجیب حیتدن محروم منافق لری ایله بیاجی مفسد لرك مملکتیمیزك سائر جهتلرنده دخی اکسینک دکلدر . فقط هر حالده وطنپرورلك حسی اهالیمیزی هیجان و شورشی آکدیرر افعال عصیانه دن منع ایتک اقتضا ایلر .

آرناوودلر خطیئات اداریه دن پک معذب اولیورلر مشده حکومته قارشى مقاومت مسلحیه بر چاره یکانه عد ایدرلر مش . اداره مزده

آغاز کردند فیشقیران آشکار ایله بیله اوج ، درت یوزمیلیون شخصک وجودنی احیا ایتک ممکن دکدر .

اوحالده ای آوروپا حکومتلری ! بوعدو هائی آوروپا اقلیمندن خارج و کندوکزدن اوزاق برمحله نفی ایتکمی ایستورسکیز ؟ اگر آوروپا اقلیمی خارجنده اسلاملری سورمک ایستدیککیز بوموقع کوچک آسیا یاخود اورته آسیا ایسه بورالر شمدوفرلریکیز واردر . بور لرده ده اسلاملرک معاوضتلیینه محتاجسکیز . اگر بوموقع آفریقا ایسه بواقلم ده مستملکه کزدر . اگر بوموقع چین ویاخود هندایسه بواقلملر ایله دخی هر طرفدن همحدودسکیز . بوضورتلر ایله دخی اسلامدن قورتلق امکانی یوقدر .

بوحالده بومسئله نك حله یكانه چاره نه در ؟ اوت ، مسئله نك حله یكانه چاره بیک طقوزیوز اوچده دیدیکم والیوم دیمکده اولدیغ کی اسلام ایله عقد صلح ایتک ، اسلام قوتنه نظر حرمت ایله باقق ، بوقوتک حقوق اجتماعی سینه حرمت ورعایت ایلدکدر .

بیلملیدر که طرابلس غربده کنندی کوسترمکده اولان اسلام قوتی مستقل بروضعیتی حائزدر . بوقوتک حرکات واجرا آتی کنج تورکیه وقدم تورکیه نك اراده ونفوذینه تابع دکل ، انجیق قرآن نفوذینه تابعدر . ایتالیا حکومتی طرابلسده کی اسلام قوتنک بوماهیت مستقله یی حائز اولدیغی ادر اکره خطا ایتش وتورکیایی ازعاج ایتکله اوراده کی قوتنک حرکاتی توقیف وتأثیراتی اسقاط ایدجکی ظننده بولنش وکنندی تیتانیق واپوری کی مهلك بر آنافوره آتمشدر . شمدی ایتالیا حکومتی کنندی دوشدیک بواوییه آوروپایی دخی سوروکمک ایچون شو اوج نوع حرکتده بولنیور : ۱) سلاویکی بمباردمان ایتک ، بوغازی زورلامق ، استانبوله کیرمک ؛ ۲) بحرسفیده کی عثمانلی آطه لرینی اشغال ایتک ؛ ۳) هر آن مستعداشتعال اولان بالقان باروت فیچیلرینه قیغلجم آتمق .

فقط ایتالیا نك بو اوج صورتله حرکتی کندینه هیچ روموفیت تأمین ایتیه جکدر . اولاستانبوله ، بوغازده ، سلاویکده روس ، انگلیز ، آوستریا کی مختلف حکومتلرک منفعتلری واردر . بو حکومتلر منفعتلرینی ایتالیاسیه فدا ایدمیه جکدر ، ایتالیا نك بورالرده حرکاتنه مانع اوله جقلدر . هر قدر بوغاز واستانبوله دائر ایتالیا ایله روسیه آره سنده برائتلاف اولدیغی شایع اولمش ایسه ده بوشایعه شک وظندن منبعث وحقیقتدن عاریدر . برده بویله برائتلاف نتیجه سنده روسیه نك بوغاز وسواحلنه حاکم اولسنه انگلتره نك هیچ برصورت تسویه ایله مساعدده ایتیه جکی بدیهیدر .

ثانیاً : بحر سفیده کی عثمانلی آطه لرینک اشغالی صلابت اسلامی نك انکسارینه باعث وطرابلسده کی حربک روانه مانع اوله میه جق ، بلکه محاربه نك شدتی ترید ایتدیره جکدر . یالکیز عثمانلیق واسلاملرک قلبی ومרכזی اولان اشغال واسقاطی صلابت اسلامی نك انکسارینه وطرابلس محاربه سنک سقوطنه باعث اوله جنی خاطره تبادر ایدیور

آوروپا محافل علمیه وجمعیات سیاسیه سنده مهم ، مهم اولدیغی قدر عظیم تأثیرلر حصوله کنیرمشدر . موسیو هانوتو بومقاله سنده ایتالیا نك طرابلس غربه تجاوزینک لدنیاتی وثائقی ایله بیان وبونک وخامتی ایضاح واسلام قوتنک نظر دقت واعتباره آلمسنی آوروپایه توصیه بولنده مقاله سینه شوسؤال صورتیه شروع ودوام ایدیور :

«عجبا ! نیچون ، ایتالیا نك هر نوع تکاملات حربیه ایله مجهز بولنان قوای بریه ، سفن حربیه ، صاعدمات هوایه سی ، بوتجهیزات حربیه جه کندنندن دون وطرابلسک هر طرفه طاغلمش بولنان بش ، آلتی بیک عثمانلی عسکرینه قارشو فوزوظفره نائل اوله میور ؟ عجبا نیچون ، طرابلسک استحکامات عتیقه واسوار قدیمه سی ایتالیا نك آشکار فیشقیران ، بومبار یاغیران فوارات مدهشه حربیه سی اوکنده سقوط ایتیور ؟ بوسؤالک جوابی یک بسیطدر . اوده بومحاربه نك حسیات وعاطفات دینه ایله مزج ایدلش اولمسیدر . بونک ایچون بومحاربه دینه قارشو غالب اولق قطعاً ممکن دکدر .

ایتالیا طرابلسده یالکیز حکومت عثمانیه ایله محاربه ایدجکی ظن ایتش وبومحاربه یه باشلامش ایدی . فقط قارشوسنه عثمانلی ایله اسلامک چیقدیغی کوردی . چونکه ایتالیا نك حکومت عثمانیه یه قارشو آجیدینی بومحاربه بیک طقوز یوز درت وبش سنه لرنده آوروپانک اسلامیت واسلام حکومتلری علیهنده اتحاد ایتش اولدقلری مقرات مقتضیاتیه وجوده کلدیکی جهتله بر صلیب واسلام محاربه سینه بکیزه یوردی . بونک ایچون ایتالیا قارشوسنده عثمانلی ایله اسلامی کوردی . اسلام محاربه سی ایسه حکومت ودولت محاربه سی دکل ، دین محاربه سیدر . اسلام نه زمان دین محاربه سینه باشلار وسل سیف دین ایدرسه بومحاربه نك مدهش برحرب عمومی یه منجر اوله جنی محققدر . بوحرب عمومی بحرسفید سواحلی نفوسنه ، بلکه بتون جهان نفوسنه نهایتسنر ، بیوک عداوت تخملرینی صاچه جنی ، بوعداوت تخملریک صالح وسلم جهانی زیرو زبرایده جکی ، بتون معسوره لری خرابه زاره چویره جکی ، بتون طورافلری ودکزلری قان ایله بویایه جنی قطعیدر . بونک ایچون آوروپا دالمش اولدیغی غرور و غفلت اویقوسندن اویاسون ! حرب ایچون قالدیرمش اولدقلری بازولرینی ایندیرسون ! بنم کی صلح ومسالمت طرفدارلرینک اصوات خالصانه لرینی اصفا ایتسون ! اوت بن اوتنه دبری صلح وسلم جهان واقوامک تقرری ایچون یک چوق صرف مسامحی ایتدم . بوبابده کی سعیرم ، طلبلم ، تکلیفلرم بر نتیجه یه اقتران ایتدیک ، برفانده ویرمیدی حالده حالا چالشمقدهیم ونهایت قدر چالشه جغم .

فقط آوروپا اسلامیت واسلام حکومتلرینه نهایت ویره جک صوک برحرب قطعینک اسلاملره تطبیقنه یول آرایور . آوروپا اسلاملرک ضدینه اولان بویله برحرب هائل ایله اسلاملرک سهولتله مغلوب اوله جقلرینی ظن ایدیورسه آوروپا بوظننده یالکیور . چونکه قلمک ترسیم ایتدیکي خطر ایله دکل ، بلکه قروپ طوپلرینک

ایسه ده بواشغال واسقاطك دخی امکان خارجنده اولدینی معلومدر . چونکه استانبولی اشغال وسقوطه محکوم ایده جک بر قوت فرض محال اوله رق بوغازدن مرور و بوسفورده داخل اولدینی تقدیرده هر نوع تجهیزاته مجهز ، معلم ، فداکار بشیوز بیک عسکری قارشوسنده بوله جقدر . بتون تکاملات مادیه ومعنویه بی حائز اولان بومهییب ، متحد قوتك دشمن قوتنه قارشو نصل حرکت ایده جکینی و وطنی نه کی بیوک بر حرارت ، شدت و فداکارلق ایله مدافعه ایده جکینی ، بو اوغورده اولمک و اولدرمک اصوله واقف اولدینی یقیناً بیلیم . بویله صفات فاضله و ممتازه ایله متصف بولان بر قوتك قارشوسنده بولنه جق قوتلرک خسران و اضمحلاله اوغرایه جقلری قطعیدر .

ثانیاً : بالقانلرده بر قیغایمک اشعالی مدھش بر حرب عمومینک اشتعالنه سبیت ویره جک و بوندن ایتالیا ایله برابر بتون جهان بشره فلا کتار اوله جق ، یوقاروده بسط ایتدیکم کی ، دکنزلر ، قرملر قان ایله بویانه جقدر . کورولیورکه محاربه نك وضعیت حاضره سی عینی تیتایق قشاردکاسنک وضعیت حزیه سنه بکزیور . محاربه نك بووضعیتی اوروپایی ، بتون عالمی مدھش فلا کتله سوروکمک استعدادی بکوستریور . بوفلاکت عمومیه نك کمال اهمیتله چاره سنه باقق اوروپانک وظیفه سیدر . بونک یکانه چاره سی ایسه بالاده سبق ایتدیکی وجهله بتون افکار وحسیات ، حرکات وسکناتده اسلاملر ایله توأم و غیر مفارق اولان عثمانیلر ایله عقد صاحب ایتمک و حقارینه حرمت ورعایت کوسترمکدر . اوروپا هر حاله رغماً بووظیفه مهمه بی ایفاده وساطت عمومیه بی وقایه ده سرعت ابراز ایتلیدر . یوقسه تهلکه عمومیه نك باش کوستره جکی محققدر .

اندرون هایون معلمی

قولجلی عبدالعزیز

کریب مسندی :

توضیح حقیقت

— ۳ —

مذکور (کولیشه چایتونغ) غزته سنده کی مکتوب محرری دییورکه : « کریدک یکی باشند ترکیانک قلمرو حکومتنه داخل اولمی دول حامیه ودها بعض رقیلره قارشو غلبه ایله تتویج اولنه جق بر محاربه موقوف و بناء علیه محالدر . » بزبوسطحی مطالعه قارشو کمال اعتدالدم ایله جواب ویره جکز و محررینه دییه جکز که : - کندی اقراری وجهله - بر جوق فداکارلقلر ایله فتح ایتیش اولدینی برملکستی عثمانیلر شودقیقه ده الندن قاجش فرض ایتبور ! بالعکس مالن « ودیعه » صورتیله حیات دولیده بر موقع احترام احراز ایتیش اولملری اقتضا ایدن و « امین » اولدقلرینه شبهه ایتمک بیله جائز بولنیان دول معظمیه به امانت ایتیش بولنیور . دول معظمیه به « فاصب » عنوانی ویرمکی خاطر مزدن بیله کچرمیورز . زیرا بحر سفید موازنه سی دول مشارالیه مدن

هیچ برینک - ایتالیا دشمننمز خارج اولق اوزره - ارتکاب ایده میه جکنه قناعت کتیردیکمز بویله بر معامله « غصب » ک وجود بولسنه کلیاً مانعدر .

بحر سفید حوضه سنده مزهر بر استقبال خیالی به نائل اولق سوداسنه دوشن « دها بعض رقیلر » مزه کلنجه : اولنر دخی امین اوله بیلورلر که کرید هیچ بروقت حیات سیاسیله لرینی زهر آلود غدالر ایله اخلال ایتمکدن کیری طوریه جق باکده - سبب اضمحلاللرینی احضاره مستعد برکابوس بلا تشکیل ایده جکدر . صحائف تاریخ بوبابده اناره عبرت آمیز نتیجه وقایع کوستره بیلیر .

اگر محررک وضعیت ذهنیه سی وجهله احوالی محاکمه ایتمک لازم کلسه دیپلوماسی عالنده اوینادیلان اوینلرک منفعل برماهیتی حائز اولدقلری و بناء علیه « تعهدات » و « تأمینات » کی تعیرانک بسبتون بوش وقوری لاف و کذافدن بشقه برشی اولدقلری نتیجه سی حاصل اولور . حالبوکه نه عالم اسلام ونده حکومت عثمانیه احوالی بودرکه سفیله ده کورمک واکلامق ایسته میور . بز « عدالت دولیه » نك موجود اولدینه ، انسانیت ، عهده وفا ، حقوق پرورلک ، حق پرستی کی خصائص علویه دن محروم بر اوره پانک ، برسیاست عمومیه نك قطعاً بقا بوله میه جغه و عاقبت بوفضائلک فقدانندن طولانی باد صرصر انقراضه طوتیلوب حجالت دریاسنک قمر نایبنه دوشه جکنه قانغز وبوذنیت ایله وقایع عالمی کوزدن کچیریورز .

فرانسه - آلمانیا محاربه سی نتیجه سنده « قوت » ک درجه تأثیری تمایله ظهر اولدی . بوتأثیرات مدھشه ایله درکه برآرداق ناصیه سیاسیاتده برطاقم خطوط « تحکم » بایردی . فقط صوکره لر مختلف عوامل بوخطوطک اوچه ریه ویردیکی چیرکینلکلی ازاله به وسیله اولدی . شوخالده بلا پروا ادعا ایده بیلیرز که « کریدی یکی باشند قلمرو حکومت مزه ادخال ایتمک » ایچون « دول حامیه ودها بعض رقیلره قارشو » ظفر ایله متتویج بر محاربه به احتیاجز یوق . تحکمی ، حق شکنلکی ازاله ایده جک عواملی - دیپلوماسی واسطه سیله - سلاح مدافعه اوله رق اله آلمق و « حق » مزه عثمانیلجه سنه مردانه ، جسورانه و ذات احتیاطکارانه بر صورتله طلب ایتمک و ادعای محق مزده ملت مزده خاص اولان متانت وثبات مزی استعمال ایلک سایه سنده مطلوب مزه ، ودیعه مزه استردادده موفق اولورز . زیرا محررک تخیل ایده مدیکی بر جوق قوتلر مز - مادی ومعنوی - چیره جغمز صدای اشکایی صماخ ابتصاره ایصال ایده جکدر .

کوتله بین وسطحیات پرستلر ایچون ملاحظاتمز بلکه بر خیال محال اوله رق تلقی ایدیلیر . فقط اوروپانک بر جوق محافل سیاسیله سنده دهان حقیقی آچوب عالم اسلامک ، حکومت عثمانیه نك حق حیاته مستحق ، احترامه لایق اولدینه کمال وضوح ایله آکلامق ایسته نیجه ارباب دها و سیاست البته خیال ایله اوغرا شمارلر و حقایق احوالی اینجه دن اینجه به بدالتدقیق لقردی سویلرلر ظن ایدرز . بز وضعیت